



Secretariado

Devisão Relações Públicas, Comunicação e Educação Cívica

Agenda Nº 247/II

Reuniau Plenária Segunda-feira, 12 de Outubro de 2009

Sesaun Plenária ba loron ohin nian, preside husi Presidente Parlamento Nasional Sr. Fernando La Sama de Araújo hamutuk ho I^o Vice Presidente Sr. Vicente da Silva Guterres, Sekertaria Mesa Sr. Maria Terezinha Viegas, I^o Vice Sekertaria Sra. Maria Exposto no II^o Vice-Secretária Mesa Sra. Teresa Maria de Carvalho.

Antes hahu Plenaria ba ohin loron Presidente informa ba Senhores Deputados sira katak Moção Censura ne'e aprovado kuando mana ho maioria absoluta no fo tempo ba Bankadas Parlamentares sira atu hatama pedido substituisaun temporaria ba Senhores Deputados sira nebe labele marka presensa Plenaria ba ohin loron. Hodi nune'e Presidente fo tempo ba I^o Vice Sekertaria Sra. Maria Exposto atu le pedido substituisaun temporaria nebe mai husi Bankada Parlamentar PSD nebe husu atu subitui ba Sra. dep. Maria Paixão nebe halao hela tratamento saude iha estrangeiros ba Sr. Josefa Xavier no Presidente mos fo parabains ba Povo Timor Leste tomak nebe halao ona Elição Lidere Komunitario.

Presidente husu ba Senhores Deputados sira atu debate ho ulun malirin no ho matenek hodi nune'e Plenaria ne'e bele lao diak no hetan resultado ida que diak.

Plenaria ohin loron ne'e mos partispa husi Primeiro Ministro Sr. Kay Rala Xanana Gusmão ho Membros IV Governo Konstitusional tomak no eis Primeiro Ministro no Sekretario Geral Partido FRETILIN Sr. Mari'i Bim Amude Alkatiri.

Periodo da Ordem do Dia ho assuntu mak hanesan:

Diskusaun no votasaun kona ba Moção Censura nebe apresenta husi Bankadas Parlamentares FRETILIN no KOTA."

Bankadas Parlamentares FRETILIN no KOTA apresenta Moção Censura baseia ba desizaun Governo Aliansa Mayoria Parlamentar nebe fo Libertasaun ba eis-Milisia Laksaur Maternus Bere.

Presidente fo tempo ba Chefe Bankada Parlamentar FRETILIN Sr. Aniceto Guterres atu halo intervensaun durante 15 minuto, tuir Sr. Guterres hato'o katak Moção Censura ne'e hato'o husi 17 Deputados no Moção Censura ne'e pela primeira vez halo iha Parlamento Nasional. Banakada Parlamentar FRETILIN louva ba Governo tamba sei bele mai iha Parlamento Nasional mesmo Moção Censura hato'o atu debate kona ba Desizaun Governo nebe bele mos hamonu Governo ne'e. Bankada Parlamentar FRETILIN hare katak libertasaun ba eis-milisia Maternus Bere sem akto judisial no desizaun ne'e sai prekoupasaun boot ba Bankada Parlamentar FRETILIN tamba la liu husi prosseso judisial.

Depois Bankada Parlamentar FRETILIN halo intervensaun Presidente fo tempo ba Chefe Bankada Parlamentar KOTA Sr. Manuel Tilman atu halo intervensaun durante 15 minutos, Sr. Tilman hare katak atraves husi Moção Censura maka Governo bele responde kona ba kazu

libertasaun ba eis-Milisia Laksaur Maternus Bere no Tribunal maka bele halo libertasaun ba ema ida nebe tama ona prisaun tamba Tribunal maka úniku orgaun maka iha autorizasaun atu halo libertasaun ba Sr. Maternus Bere.

Presidente mos fo tempo ba Governo liu husi Primeiro Ministro Sr. Kay Rala Xanana Gusmão atu halo intervensaun no responde intervensaun mai husi Bankadas Parlamentares FRETILIN no KOTA, tuir Sr. Kay Ral Xanana Gusmão katak libertasaun ba Maternus Bere hare liu ba Assuntus Nacionais, Desizaun Estados no Politika Estados tamba kazu ida ne'e bele fo implicações ba prosseso negosiasaun kona ba Fronteiras, Estudantes Timor Leste oan barak liu maka eskola iha Indonesia, komersialisaun Timor Leste 75 % mai husi Indonesia no Indonesia sai promotor ba Timor Leste atu tama iha ASEAN. Tuir Sr. Xanana Gusmão assutus hirak ne'e maka bele kria Estabilizaun Nasional. Prosseso libertasaun ba Maternus Bere ne'e laos buat ida fasil tamba Presidente da República Sua Excelencia Jose Ramos Horta hetan telefone husi Ministro Negosius Estrangeirus República Indonesia Sr. Hasan Wirayuda kona ba Maternus Bere no depois ne'e Primeiro Ministro konvoka reuniuan ida ho Adjunto PGR Sr. Vicente, Presidente Tribunal Recursos Interina Sra. Natercia no Ministra Justisa Sra. Lucia Lobato hodi buka aspektu legal kona ba desizaun ida ne'e.

Depois Primeiro Ministro halo intervensaun, Presidente fo tempo ba Senhores Deputados sira atu halo intervensaun no perguntas kona ba Moção Censura ba Governo no Bankadas Parlamentares FRETILIN no KOTA. Tuir Senhores Deputados sira katak ida ne'e hanesan abujo de poder, viola kontituisaun no viola kodigo penal no Senhores Deputados husu Bankadas Parlamentares FRETILIN no KOTA katak saida objectivo husi Assuntus Nasional no Estabilidade Nasional. Senhores Deputados sira mos afirma katak desizaun ida ne'e foti tamba salva interese nasional selae ita bele prejudika ita nian povo rasik tamba Indoensia bele halo buat ruma ba Timor Leste. Senhores Deputados sira hato'o katak esplikasaun husi Primeiro Ministro Sr. Gusmão konvense ona Senhores Deputados sira no Senhores Deputados sira husi Bloku AMP hato'o katak Moção Censura ne'e meios ida atu hatun Governo hodi nune'e sira sei la vota a favor ba Moção Censura tamba Governo ne'e Bloku AMP forma hamutuk no prontu simu julgamento husi povo wainhira iha Elição 2012.

Depois intervalo almoço, Plenaria Sessaun Lorokraik nian Presidente Parlamento Nasional Sr. Fernando La Sama hamutuk ho I^o Vice Presidente Sr. Vicente da Silva Guterres, Sekretaria Mesa Sr. Maria Terezinha Viegas, I^o Vice Sekretaria Sra. Maria Exposto no II^o Vice-Secretária Mesa Sra. Teresa Maria de Carvalho.

Presidente fo tempo ba Senhores Deputados sira atu halo apresiasaun kona Moção Censura, tuir Senhores Deputados sira katak rekonsiliaun halo ho ema nebe laos halo krimi no rekonsiliasi tenque hare mos aspecto justisa. Deputados sira hato'o katak Maternus Bere laiha importansia ba Timor Leste maibe povo nian necesidad maka importante no Senhores Deputados sira husu ba Governo atu haré familia vitima. Senhores Deputados sira mos louva ba Primeiro Ministro Sr. Kay Rala Xanana Gusmão nebe ho *gentlement* hato'o prosseco no kronologia libertasaun ba Maternus Bere. Senhores Deputados sira hato'o katak dezisaun politik maibe dentro da constituisaun, labele tau fali constituisaun iha ema nia ain okos, agora rekonsiliasaun sem justisa, ema nebe mate iha Suai ne'e sidadaun Timor Leste ou lae, resposta saida maka ita fo ba familia vitima no igreja, tuir Senhores Deputados sira Governo interven ona kompetensia orgaun tribunal serviço.

Primeiro Ministro Sr. Kay Rala Xanana Gusmão hato'o katak Governo la halo libertasaun ba Sr. Maternus Bere maibe Governo halo deit transferencia husi Prisaun Becora ba

Embaixada Indonesia hodi hein proseso. Primeiro Ministro mos afirma katak Governo hasai tuir rekomendasun hodi transfere no Primeiro Ministro asumi responsabilidade no la admiti libertasaun.

Senhores Deputados husi Bloku AMP husu atu halo ona votasaun tamba buat hirak nebe atu koalia, koalia hotu ona maibe Senhores Deputados husi Bankada Oposisaun (FRETILIN, PUN no KOTA) husu atu kontinua diskusaun tamba preve ona iha Guião nebe sai husi Konferensia Leadres Bankadas Parlamentares.

Tuir Senhores Deputados sira katak atu transferensia ema ida husi Prisaun ba Embaixada Primeiro Ministro laiha kompentesia no Embaixada laos sai hanesan Prisaun maibe Embaixada ne'e fatin atu halao servico Embaixada nian.

Primeiro Ministro hato'o katak Parlamento Nasional seidak ratifika konvensaun kona ba akordo entre República Democratica Timor Leste ho República Indonesia kona ba Relatorio Comissão Verdade e Amizade (CVA). Governo bele hasai Maternus Bere husi Embaixada Indonesia ba Prisaun Becora maibe ita hotu tenque responsavel nudar estado.

Presidente fo tempo ba Vice Chefe Bankada Parlamentar FRETILIN Sr. Francisco Miranda Branco atu halo intervensaun ikus kona ba Moção Censura, tuir Branco katak Moção Censura ne'e meios ida atu defende Konstituisaun RDTL no tranferensia halo prisaun ida ba prisaun ida laos husi Prisaun ba Embaixada.

Depois Bankada Parlamentar FRETILIN halo intervensaun, Presidente fo tempo ba Bankada Parlamentar KOTA atu halo intervensaun ikus liu antes tama votasaun. Tuir Sr. Tilman katak Governo ne'e merece atu hetan Censura no Moção Censura ne'e merece atu hetan votasaun majoria husi Senhores Deputados sira.

Depois Governo ho Bankadas Parlamentares FRETILIN no KOTA halo intervensaun durante horas ida nian laran, Senhores Deputados sira halo votasaun ba Moção Censura nebe apresenta husi Bankadas Parlamentar FRETILIN no KOTA atu Censura Governo AMP, Resultado votasaun : a favor 25, kontra 39 no abstensoens 0. Hodi nune'e Governo AMP nebe lidera husi Sua Excelencia Primeiro Ministro Sr. Kay Rala Xanana Gusmão sei lao ukun to'o 2012.

Ikus liu Presidente encerra Plenaria ba ohin loran kona ba Moção Censura nebe apresenta husi Bankadas Parlamentar FRETILIN no KOTA no Presidente hato'o agradese ba Senhores Deputados sira hodi akompanha Plenaria ne'e to'o remata no agradese tamba Senhores Deputados sira mantein disiplina no Presidente fo parabeins ba Primeiro Ministro nebe sei hetan konfiansa husi Parlamento Nasional no Presidente agreedese ba Jornalista sira nebe bele transmiti informasaun husi Parlamento Nasional kona ba Moção Censura ba Publíko tomak iha Timor Leste.

Cumprimentos

Devisão Relações Publicas, Comunicação e Educação Civica